

ხელშეკრულება № _____
სახელმწიფო შესყიდვის შესახებ

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება ელექტრონული ტენდერის აუქციონის გარეშე (NAT) ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად.

2021 წლის _____ აგვისტო

ქ. თბილისი

ერთი მხრივ, სსიპ – ცხოველთა მონიტორინგის სააგენტო, წარმოდგენილი დირექტორის მოადგილის _____ სახით (შემდგომში წოდებული „შემსყიდველად“) და მეორე მხრივ _____ (მისამართი: _____) მისი დირექტორის _____ სახით (შემდგომში წოდებული „მიმწოდებელად“), სსიპ – ცხოველთა მონიტორინგის სააგენტო მიერ ქვეწარმავლების საწინააღმდეგო რეპელენტის სახელმწიფო შესყიდვის მიზნით ჩატარებული ელექტრონული ტენდერის აუქციონის გარეშე (NAT) გათვალისწინებით ვდება ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს ხელშეკრულებით გათვალისწინებული შესყიდვის ობიექტის მიწოდებას.
- 1.6. „შესყიდვის ობიექტი“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „სატენდერო წინადადება“ – მიმწოდებლის მიერ სსიპ - ცხოველთა მონიტორინგის სააგენტოს მიერ ქვეწარმავლების საწინააღმდეგო რეპელენტის სახელმწიფო შესყიდვის მიზნით გამოცხადებულ ელექტრონულ ტენდერში აუქციონის გარეშე _____ წარმოდგენილი ტექნიკური დოკუმენტაცია.

2. ხელშეკრულების საგანი

- 2.1. წინამდებარე ხელშეკრულების საგანს წარმოადგენს, შემსყიდველის მიერ, მიმწოდებლისგან ხელშეკრულების დანართი N1-ში მითითებული ქვეწარმავლების საწინააღმდეგო რეპელენტის (შემდგომში „საქონელი“) შესყიდვა, სატენდერო წინადადების, სატენდერო დოკუმენტაციის და წინამდებარე ხელშეკრულებით გათვალისწინებული პირობების შესაბამისად (cpv33691000).
- 2.2. საქონლის დასახელება, აღწერილობა, მწარმოებელი ქვეყანა და კომპანია, განზომილება, რაოდენობა, ერთეულის და საერთო ღირებულება, ვარგისიანობის ვადა, მოცემულია დანართი N1-ში, რომელიც წარმოადგენს წინამდებარე ხელშეკრულების განუყოფელ ნაწილს;
- 2.3. შესყიდვა განხორციელდა მოხსენებითი ბარათის # ----- მოთხოვნის საფუძველზე.

3. მხარეთა მოვალეობები

3.1. მიმწოდებელი ვალდებულია:

- 3.1.1. გადასცეს შემსყიდველს ამ ხელშეკრულების დანართი N1-ში მითითებული უნაკლო შესყიდვის ობიექტი.
- 3.1.2. ქვეწარმავლების საწინააღმდეგო რეპელენტი უნდა იყოს ბიოლოგიური შემაჩერებელი საშუალება, რომელსაც უნდა გააჩნდეს, როგორც დაზურულ სივრცეში (შენობები), ასევე გარემოში (შიდა ეზოები, ბაღები, მინდვრები) ზემოქმედების უნარი;
- 3.1.3. რეპელენტი განკუთვნილი უნდა იყოს როგორც პროფილაქტიკური, პრევენციული, ასევე იძულებითი გამოყენებისთვის;
- 3.1.4. რეპელენტს უნდა ჰქონდეს ხანგრძლივი მოქმედების ეფექტი, წვიმების შემთხვევაშიც კი.

უნდა იყოს უსაფრთხო როგორც გარემოსათვის, ისე ადამიანებისათვის, არ უნდა დააზიანოს მცენარეები, გაზონები, ბაღები და ყვავილები;

3.1.5. რეპელენტის გამოყენება უნდა ხდებოდეს მარტივად: შენობის, ან მიწის ნაკვეთის მთლიანი დამუშავებისთვის, მოსამზადებელი სამუშაოების ჩატარების შემდეგ, საკმარისი უნდა იყოს შემოთავაზებული პრეპარატით დასამუშავებელი ფართობის პერიმეტრის შეწამვლა.

3.1.6. რეპელენტი მიწოდებული უნდა იყოს ხსნარის სახით, დაფასოებული წყალგაუმტარ ჭურჭელში, რომელიც უნდა იყოს ეტიკეტირებული, მიწოდებისას პრეპარატს უნდა ახლდეს ანოტაცია, შემადგენლობის, გამოყენების ინსტრუქციის მითითებით;

3.1.7. შესაძლებელი უნდა იყოს რეპელენტის შენახვა ოთახის ტემპერატურაზე.

3.1.8. მიმწოდებლის ვალდებულება საქონლის გადაცემაზე ითვლება შესრულებულად შემსყიდველისათვის საქონლის გადაცემისა და აღნიშნულ ფაქტზე მიღება-ჩაბარების აქტის გაფორმების მომენტიდან. საქონლის გადაცემასთან ერთად, მიმწოდებელი ვალდებულია გადასცეს შემსყიდველს ყველა შესაბამისი დოკუმენტი.

3.1.9. უხარისხო, არასტანდარტული, დაზიანებების მქონე პრეპარატის აღმოჩენის შემთხვევაში, მიმწოდებელმა ყოველგვარი წინაპირობის გარეშე, არაუმეტეს 2 (ორი) სამუშაო დღის ვადაში უნდა გამოასწოროს ნაკლოვანებები ან/და შეცვალოს ახალი საქონლით, სრულად საკუთარი ხარჯით (ტრანსპორტირების ჩათვლით).

3.2. მიმწოდებელი უფლებამოსილია:

3.2.1. მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

3.3. შემსყიდველის ვალდებულება:

3.3.1. მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

3.3.2. მიმწოდებლისაგან საქონლის მიღებისას შემსყიდველი ვალდებულია, შეამოწმოს მისი დასახელების, რაოდენობის და ხარისხის შესაბამისობა ამ ხელშეკრულების დანართი N1-ში შეთანხმებულ საქონელთან.

3.3.3. შემსყიდველი ვალდებულია, 3.3.2. ქვეპუნქტში მითითებული შემოწმების შემდეგ მიიღოს საქონელი და გადაიხადოს მისი ფასი ამ ხელშეკრულებით გათვალისწინებული პირობებით;

3.4. შემსყიდველის უფლებამოსილია:

3.4.1. შემსყიდველი უფლებამოსილია საქონლის მიღების დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება და მოსთხოვოს მიმწოდებელს წინამდებარე ხელშეკრულებით ნაკისრი ვალდებულებების ჯეროვანი შესრულება.

4. ხელშეკრულების ღირებულება

4.1. ხელშეკრულების ჯამური ღირებულება შეადგენს _____ (_____) ლარს.

4.2. ხელშეკრულებით გათვალისწინებული საქონლის ერთეულის ღირებულება მოცემულია ხელშეკრულების დანართი N1-ში.

4.2. ხელშეკრულების ჯამური ღირებულება მოიცავს მიმწოდებლის მიერ გასაწევ ყველა ხარჯს, მათ შორის კანონმდებლობით გათვალისწინებულ ყველა გადასახადსა და ტრანსპორტირების ხარჯებს.

4.3. შემსყიდველის დაფინანსების წყარო: 2021 წლის ადგილობრივი თვითმმართველი ერთეულის ბიუჯეტი.

5. ანგარიშსწორების წესი

5.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

5.2 შემსყიდველი ვალდებულია ეტაპობრივად, მხარეთა შორის მიღება-ჩაბარების აქტის გაფორმებიდან და წინამდებარე ხელშეკრულების 6.4. პუნქტით გათვალისწინებული დოკუმენტაციის წარმოდგენიდან 10 (ათი) სამუშაო დღის განმავლობაში მოახდინოს წინამდებარე ხელშეკრულებით გათვალისწინებული საქონლისა და ღირებულების ანაზღაურება;

5.3 საქონლის გადაცემისა თარიღად ითვლება მხარეთა მიერ მიღება- ჩაბარების აქტზე ხელმოწერის თარიღი;

5.4 იმ შემთხვევაში, თუ მიმწოდებელი წინამდებარე ხელშეკრულებით გათვალისწინებული წესითა და ვადაში არ წარუდგენს შემსყიდველს დოკუმენტაციას ანგარიშსწორებისთვის, შემსყიდველს არ დაეკისრება ვალდებულების შესრულების ვადის გადაცილებისთვის გათვალისწინებული პირგასამტეხლო.

6. შესყიდვის ობიექტის მიწოდების ადგილი, ვადები და მიღება-ჩაბარების წესი

6.1. შესყიდვის ობიექტის მიწოდების ადგილია: ქ. თბილისი, დავით აღმაშენებლის გამზ. №89/24 - კ. მარჯანიშვილის №89/24.

6.2. შესყიდვის ობიექტის მიწოდების ფორმა და ვადა: ერთიანად, ხელშეკრულების დადებიდან 5 (ხუთი) სამუშაო დღის ვადაში.

6.3. საქონლის მოწოდებასთან ერთად მიმწოდებელი ვალდებულია უზრუნველყოს ყველა შესაბამისი დოკუმენტაციის წარდგენა შემსყიდველისათვის (სასაქონლო ზედნადები, არსებობის შემთხვევაში საგადასახადო ანგარიშ-ფაქტურა);

6.7. შესყიდვის საგანი ჩაითვლება მიღებულად მას შემდეგ, რაც მხარეებს შორის გაფორმდება მიღება-ჩაბარების აქტი. მიღება-ჩაბარების აქტზე ხელმოწერის უფლებამოსილება შემსყიდველის მხრიდან მიენიჭოს სააგენტოს თანამშრომელს _____ (დაზუსტდება ხელშეკრულების დადების დროს).

7. ხელშეკრულების მოქმედების ვადები

7.1. წინამდებარე ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2021 წლის 31 დეკემბრის ჩათვლით (გარდა მე-16 მუხლისა).

8. ხელშეკრულების ინსპექტირება

8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების (საქონლის მიწოდების ადგილი, საქონლის ხარისხი, რაოდენობა და ა.შ.) შესრულებაზე.

8.2. ამ მუხლის პირველი პუნქტით გათვალისწინებული კონტროლისა და ზედამხედველობის განმახორციელებელი პირია სააგენტოს თანამშრომელი _____ (დაზუსტდება ხელშეკრულების დადების დროს);

8.3. კონტროლი ხორციელდება საქონლის მიღებისას;

8.4. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებ - ლივ წერილობით აცნობებს მიმწოდებელს წუნდების მიზეზების მითითებით.

8.5. ყველა გამოვლენილი ხარვეზის, ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. ხელშეკრულების შეწყვეტა

9.1 შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

9.2 შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდ-ებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია საქონლის სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებებით ნაკისრი ვალდებულებების შესრულებას;

დ) მიმწოდებლის მიმართ დაიწყო გაკოტრების საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

9.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

10. მხარეთა პასუხისმგებლობა

10.1. მხარეების მიერ ხელშეკრულებით გათვალისწინებული ვალდებულებების შეუსრულებლობა ან არაჯეროვანი შესრულება გამოიწვევს პასუხისმგებლობას საქართველოს კანონმდებლობის შესაბამისად.

10.2. თუ ხელშეკრულების რომელიმე მხარე დაარღვევს წინამდებარე ხელშეკრულებით გათვალისწინებულ ვალდებულებას, მეორე მხარეს უფლება აქვს მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნეს დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

10.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელის მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

10.4. ხელშეკრულებით ნაკისრი ვალდებულების შეუსრულებლობის ან/და არაჯეროვანი შესრულების გამო, შემსყიდველი უფლებამოსილია, დააკისროს მიმწოდებელს პირგასამტეხლოს გადახდა ხელშეკრულების ღირებულების 10%-ის ოდენობით.

10.5. რომელიმე მხარის მიერ, წინამდებარე ხელშეკრულებით გათვალისწინებული ვალდებულების შესრულების ვადების დარღვევის შემთხვევაში, მეორე მხარე იტოვებს უფლებას მოითხოვოს დამრღვევი მხარისგან, ხოლო ამ შემთხვევაში დამრღვევი მხარე ვალდებულია, გადაიხადოს პირგასამტეხლო შეუსრულებელი ვალდებულების 0,02%-ის ოდენობით, ყოველ ვადაგადაცილებულ დღეზე.

10.6. საჯარიმო სანქციით დაკისრებული თანხა გადახდილ უნდა იქნას მხარისთვის (მიმწოდებელი) აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან არაუგვიანეს 1 (ერთი) თვისა, ვადაგადაცილებასთან დაკავშირებული პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

10.7. იმ შემთხვევაში თუ ვადების გადაცდენისათვის დაკისრებული პირგასამტეხლოს ჯამური ოდენობა გადააჭარბებს ხელშეკრულების ღირებულების 3%-ს, შემსყიდველს ან/და მიმწოდებელს უფლება აქვს ცალმხრივად შეწყვიტონ წინამდებარე ხელშეკრულება.

11. ფორს-მაჟორი

11.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

11.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საქონლის მიწოდებაზე ემბარგოს დაწესება, სახელწიფო გადატრიალება და სხვ.).

11.3 ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

12. ხელშეკრულების პირობების გადასინჯვის წესი

12.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება, ან უარესდება ხელშეკრულების პირობები შემსყიდველის-თვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ ამ ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ.

12.2. წინამდებარე ხელშეკრულების 12.1. პუნქტით გათვალისწინებულ შემთხვევაში შეძლება მოთხოვნილ იქნეს ხელშეკრულების მისადაგება შეცვლილი გარემოებებისადმი.

12.3 გარემოებათა შეცვლას უთანაბრდება, როცა წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.

12.4. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

13. ხელშეკრულებაში ცვლილებებისა და დამატებების შეტანის წესი

13.1 ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით.

13.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წერილობით შეატყობინოს მეორე მხარეს.

13.3 ხელშეკრულების პირობების ნებისმიერი ცვლილება და დამატება უნდა გაფორმდეს შეთანხმების სახით მხარეების, ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

14. ხელშეკრულების შესრულების შეფერხება

14.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

14.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

15. საპატენტო უფლებები:

15.1. საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

16. ვარგისიანობის ვადა და შეფუთვა

16.1. მიწოდებული საქონლის ვარგისიანობის ვადა უნდა შეადგენდეს არანაკლებ 12 (თორმეტი) თვეს, მიწოდების მომენტიდან.

16.2. შემოთავაზებული საქონელი უნდა იყოს ისეთი შეფუთვით, რომელიც დაიცავს მას დაზიანებისგან, გაფუჭებისგან დანიშნულების ადგილამდე ტრანსპორტირების პროცესში და ასევე შენახვის პერიოდში.

16.3. შენახვის პირობების დაცვის შემთხვევაში, 16.1. პუნქტში მითითებულ ვადაში, უხარისხო, არასტანდარტული, დაზიანებების მქონე საქონლის, აღმოჩენის დროს, მიმწოდებელმა ყოველგვარი წინაპირობის გარეშე, გონივრულ, მაგრამ არაუმეტეს 2 სამუშაო დღის ვადაში უნდა გამოასწოროს ნაკლოვანებები ან/და შეცვალოს ისინი ახალი საქონლით.

17. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

18. დასკვნითი დებულებები

18.1. მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება ქართულ ენაზე, საქართველოს კანონმდებლობის შესაბამისად;

18.2. ხელშეკრულება, მხარეების მიერ სხვადასხვა თარიღში დამოწმება/დადასტურების შემთხვევაში, გაფორმებულად ჩაითვლება იმ თარიღში, როდესაც მეორე მხარე დაამოწმებს/დაადასტურებს კვალიფიციური ელექტრონული ხელმოწერით/შტამპით.

მხარეთა რეკვიზიტები

შემსყიდველი:

მიმწოდებელი:

2021 წლის _____ აგვისტოს გაფორმებული სახელმწიფო შესყიდვის შესახებ ხელშეკრულების _____ დანართი N1

cpv - კოდი	დასახელება	აღწერილობა	წარმოების ქვეყანა/მწარმოებელი კომპანია	რეპლენტის ვარგისიანობის ვადა (მიწოდებიდან)	რაოდენობა/განზომილება	ერთეულის ფასი	საერთო ღირებულება (ლარი)

ჯამი: _____

მხარეთა რეკვიზიტები:

შემსყიდველი:

მიმწოდებელი: